

Bosna i Hercegovina
Brčko distrikt Bosne i Hercegovine

PRAVOSUDNA KOMISIJA



Босна и Херцеговина
Брчко дистрикт Босне и Херцеговине

ПРАВСУДНА КОМИСИЈА

Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: пкбд@пкбд.ба

Broj: SuPK-00-988/25-I
Brčko, 15.08.2025. godine

**PLAN ZA BORBU PROTIV KORUPCIJE PRAVOSUDNE
KOMISIJE BRČKO DISTRIKTA BIH
2025-2028**

Brčko, august 2025. godine

U skladu sa Strategijom za borbu protiv korupcije u Brčko distriktu BiH 2025. 2028. godina („Službeni glasnik Brčko distrikta BiH“, broj: 13/25), sa ciljem realizacije specifičnih mjera iz Akcionog plana za provedbu Strategije za borbu protiv korupcije, Pravosudna komisija Brčko distrikta BiH, na 271. redovnoj sjednici, održanoj dana 15.08.2025. godine, donosi

PLAN ZA BORBU PROTIV KORUPCIJE 2025-2028

1.1. Definicija korupcije

Korupcija je „svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili opštinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.“¹

1.2 Osnovni podaci o instituciji

Statutom Brčko distrikta Bosne i Hercegovine - prečišćeni tekst („Službeni glasnik Brčko distrikta Bosne i Hercegovine“, broj 2/10 - u daljem tekstu: Statut Distrikta), članom 71. stav (1) propisano je da se zakonom osniva Pravosudna komisija Brčko distrikta BiH (u daljem tekstu: Pravosudna komisija). Zakonom o Pravosudnoj komisiji Brčko distrikta BiH, članom 2. propisano je da je Pravosudna komisija samostalno, i od drugih organa vlasti Brčko distrikta BiH, nezavisno tijelo, koje svoja ovlaštenja obavlja u okviru djelokruga utvrđenog Statutom Distrikta.

1.3 Nadležnost Pravosudne komisije

Članom 14. Zakona o Pravosudnoj komisiji („Službeni glasnik Brčko distrikta BiH“, br. 19/07, 20/07, 02/08, 04/21 i 06/21), propisano je da će Pravosudna komisija obavljati slijedeće poslove:

- obezbjeđivanje nezavisnosti Osnovnog i Apelacionog suda, Tužilaštva Distrikta, Kancelarije za pravu pomoć i Pravobranilaštva,
- obezbjeđivanje stručnog usavršavanja sudija, tužilaca, pravobranioca, advokata Kancelarije za pravnu pomoć i stručnih saradnika u pravosuđu i Tužilaštvu Distrikta,

¹ Zakon o Agenciji za prevenciju korupcije i koordinaciju borbe protiv korupcije („Službeni glasnik BiH“, broj: 103/09 i 58/13)

- donošenje i sprovođenje etičkog kodeksa zaposlenih u pravosuđu (izuzimajući sudije Osnovnog i Apelacionog suda), zaposlenih u Tužilaštvu Distrikta (izuzimajući tužioce), Pravobranilaštva, Kancelarije za pravnu pomoć uključujući pokretanje disciplinskog postupka zbog kršenja kodeksa,
- imenovanje i razrješenje pravobranioca i njegovih zamjenika,
- imenovanje i razrješenje direktora Kancelarije za pravnu pomoć i advokata Kancelarije,
- imenovanje i razrješenje stručnih saradnika i pripravnika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu,
- pripremu i dostavljanje Skupštini zakona koji se odnose na organizaciju i rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć, kao i na regulisanje rada advokata i notara u Distriktu,
- imenovanje notara i regulisanje rada notara u Distriktu,
- pripremanje i predlaganje Skupštini onog dijela budžeta Distrikta kojim se obezbjeđuju operativni troškovi za rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i za rad Pravosudne komisije,
- ostvarivanje saradnje s ministarstvima pravde i drugim nadležnim institucijama u BiH,
- izbor člana za Visoko sudsko i tužilačko vijeće BiH,
- utvrđuje potreban broj advokata u Kancelariji za pravnu pomoć,
- donosi i daje saglasnost na pravilnike kojima se reguliše rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Stručne službe Pravosudne komisije,
- donosi pravilnike o uslovima za obavljanje poslova vještačenja i poslova sudskih tumača,
- imenuje i razrješava dužnosti komandira Sudske policije i određuje broj sudskih policajaca,
- objavljuje javni konkurs i vrši izbor za sva upražnjena radna mjesta službenika i namještenika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu i stručnoj službi Pravosudne komisije,
- najmanje dva puta godišnje razmatra izvještaj o radu Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Pravosudne komisije, te ih u vidu informacija dostavlja Skupštini ukoliko nije drugačije regulisano posebnim zakonima,
- koordinira projekte koje je pokrenulo Visoko sudsko i tužilačko vijeće BiH, a koje se odnosi na poboljšanje rada sudova i Tužilaštva i efikasnost upravljanja predmetima,
- unapređuje rad Pravobranilaštva, Kancelarije za pravnu pomoć i Stručne službe Pravosudne komisije,
- obavlja i druge poslove utvrđene Ustavom BiH, Statutom Distrikta i zakonima.

1.4. Organizaciona struktura institucije


Pravosudna komisija ima sjedište u Brčkom, ul. Trg pravde br. 10. Pravosudnu komisiju čini devet članova i to:

1. predsjednik Ustavnog suda BiH ili sudija tog suda koga on odredi kao svog zamjenika,
2. predsjednik Apelacionog suda,
3. predsjednik Osnovnog suda,
4. glavni tužilac,
5. direktor Kancelarije za pravnu pomoć,
6. pravobranilac,
7. tri građana Distrikta.

Pravosudna komisija ima predsjednika i potpredsjednika Komisije koji se biraju iz reda članova Komisije, sa mandatom od četiri godine, a po isteku mandata mogu biti ponovo birani. Predsjednik predstavlja i zastupa Pravosudnu komisiju, a u njegovoj odsutnosti zamjenjuje ga potpredsjednik.

Finansijsko-računovodstvene, poslove informacionih tehnologija, stručne i administrativne poslove za potrebe pravosuđa obavlja Stručna služba Pravosudne komisije.

ORGANIGRAM PRAVOSUDNE KOMISIJE BRČKO DISTRIKTA BiH



1.5 Strateški okvir za borbu protiv korupcije u Brčko distriktu BiH

Vlada Brčko distrikta BiH na 6. redovnoj sjednici održanoj dana 26.02.2025. godine usvojila je Strategiju za borbu protiv korupcije u Brčko distriktu BiH 2025.-2028. godina i Akcioni plan za provođenje Strategije za borbu u protiv korupcije u Brčko distriktu BiH. Navedeni strateški dokumenti objavljeni su u Službenom glasniku Brčko distrikta BiH broj: 13/25.

- Opšti ciljevi definisani Strategijom su:

„Izgraditi učinkovi, transparentan i odgovoran institucionalni okvir u Brčko distriktu BiH, kroz jačanje ključnih institucija, prevenciju, pravovremeno otkrivanje i učinkovito sankcionisanje korupcije, uz aktivno uključivanje građana i civilnog društva i povećanje međunarodne suradnje, kako bi se unaprijedila vladavina prava i stvorilo društvo s jednakim mogućnostima za sve.“

- Strateški ciljevi koji se trebaju postići provođenjem Strategije:

1. *Unapređenje sistema prevencije korupcije i jačanje institucija*
2. *Sankcionisanje i krivično procesuiranje*
3. *Edukacija, saradnja i izvještavanje*

1.6 Plan za borbu protiv korupcije 2025-2028

Plan za borbu protiv korupcije 2025-2028. godine, odražava strateško opredjeljenje Pravosudne komisije Brčko distrikta BiH za efikasnu prevenciju korupcije, te na operativnom nivou, definiše set mjera i aktivnosti s ciljem postizanja očekivanih rezultata. Obaveza donošenja Plana za borbu protiv korupcije proizilazi iz Strategiju za borbu protiv korupcije u Brčko distriktu BiH 2025.-2028. godina i Akcionog plana za provođenje Strategije za borbu u protiv korupcije u Brčko distriktu BiH 2025.-2028. godine.

Vremenski okvir plana

Plan za borbu protiv korupcije 2025-2028. godine odnosi se na period od dana usvajanja do kraja 2028. godine, čime se osigurava poveznica sa vremenskim rokovima predviđenim za sprovođenje aktivnosti iz Akcionog plana.

Obaveze i odgovornosti organizacionih jedinica u smislu sprovođenja Plana za borbu protiv korupcije

Da bi Plan za borbu protiv korupcije mogao da dovede do potpune realizacije aktivnosti neophodno je uspostaviti efikasan mehanizam za njegovo sprovođenje i koordinaciju rada službi s ciljem praćenja realizacije aktivnosti u praksi i periodične evaluacije ostvarenih rezultata.

Finansijska projekcija implementacije Plana za borbu protiv korupcije

Za relaizaciju aktivnosti iz Plana za borbu protiv korupcije nisu nužna posebna budžetska izdvajanja, nego će se aktivnosti iz Plana realizovati u okviru postojećih budžetskih sredstava institucije.

Eventualni rizici u implementaciji Plana za borbu protiv korupcije

Eventualne rizike u provođenju, a koje bi mogli uticati na njegovo uspješnu implementaciju:

- nedovoljna angažovanost subjekata sprovođenja;
- nedostatak finansijskih i drugih resursa;
- nedostatak sistematičnosti i koordinacije.

Proaktivni monitoring implementacije Plana za borbu protiv korupcije

Proaktivni monitoring sprovođenja Plana podrazumijeva preduzimanje kontinuiranih aktivnosti na praćenju i evaluaciji stepena implementacije pojedinačnih programa i aktivnosti. Svrha praćenja i evaluacije nije samo prikupljanje podataka o napretku ili neuspjesima u sprovođenju aktivnosti na planu suprotstavljanja korupciji, nego i preduzimanje mjera kako bi se uklonili ili umanjili nedostaci, te identifikovali novi elementi koji bi se ugradili u postojeće ili nove aktivnosti s ciljem što efikasnije prevencije korupcije u Pravosudnoj komisiji.

Tabelarni pregled aktivnosti za sprovođenje Plana za borbu protiv korupcije (2025-2028)

R/br	AKTIVNOST	PROVODIOCI	ROK ZA PROVOĐENJE	POTREBNI RESURSI	Pokazatelji implementacije
1.5.1.3.	Odlukom o imenovanju osoba za prijem roba, usluga ili radova, kao i nadzornog tijela, precizno definirati njihove zadatke i odgovornosti kako bi se spriječile nepravilnosti koje se kasnije ne mogu ispraviti	Pravosudna komisija Brčko distriktu BiH	Kontinuirano	Raspoloživi resursi / u skladu sa funkcionalnim nadležnostima	Broj donesenih odluka o imenovanju osoba za prijem roba, usluga ili radova, te nadzornog tijela, s jasno definisanim zadacima i odgovornostima.
2.2.1.1.	Kontinuirana obuka zaposlenika pravosudnih institucija o štetnosti i borbi protiv korupcije	Pravosudna komisija	Kontinuirano	Potrebna dodatna sredstva	Broj održanih obuka.
2.2.1.2.	Činjenje dostupnim informacija o načinu prijavljivanja korupcije i animiranje građana na prijavljivanje korupcije putem službenih stranica	Pravosudna komisija	Kontinuirano	Raspoloživi resursi / u skladu sa funkcionalnim nadležnostima	Broj objavljenih informacija, postova, rezultata anketa o informiranosti građana u vezi s mogućnostima prijave korupcije.
2.2.2.1	Unapređenje propisa iz područja vještačenja	Pravosudna komisija	III. kvartal 2025. godine	Raspoloživi resursi/u skladu sa funkcionalnim nadležnostima	Izmjena i donošenje novih propisa iz oblasti vještačenja.

2.2.2.2.	Edukovati vještake u pogledu izrade nalaza i mišljenja koji trebaju biti izrađeni tako da daju odgovore na pitanja postavljena od strane nadležnog tijela u rješenjima o određivanju vještačenja	Pravosudna komisija	Kontinuirano od usvajanja propisa iz oblasti vještačenja	Potrebna dodatna sredstva	Broj održanih obuka.
3.2.1.1	Izraditi plan za borbu protiv korupcije	Pravosudna komisija	Prvi kvartal 2025. godine	Raspoloživi resursi / u skladu sa funkcionalnim nadležnostima	Usvojen i objavljen Plan za borbu protiv korupcije.
3.2.1.2	Izraditi plan integriteta	Pravosudna komisija	Prvi kvartal 2027. godine, po potrebi i češće	Raspoloživi resursi / u skladu sa funkcionalnim nadležnostima	Usvojen i objavljen Plan integriteta.
3.3.1.1	Izvještavanje o realizovanim i nerealizovanim aktivnostima iz Akcionog plana u skladu sa Zakonom o Kancelariji za prevenciju korupcije i koordinaciju aktivnosti na suzbijanju korupcije	Pravosudna komisija	2x godišnje	Raspoloživi resursi / u skladu sa funkcionalnim nadležnostima	Dostavljen izvještaj Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH o realizovanim i nerealizovanim aktivnostima iz Akcionog plana 2025. – 2028. godina

3.3.1.2.	Izvještavanje o provođenju mjera iz planova integriteta	Pravosudna komisija	1x godišnje	Raspoloživi resursi / u skladu sa funkcionalnim nadležnostima	Dostavljen izvještaj o realizovanim mjerama iz planova integriteta.
----------	---	------------------------	-------------	---	--

